

# IKARUS



## BABEL

Guxuam të ndërtonim kullën për të mbërritur deri tek Perënditë, por nuk mbërritëm dot.

Lamë punën në gjysëm se na ngatërruan gjuhët dhe nuk u kuptuam më me njeri tjetrin.

U shpërndamë e humbëm nëpër botë.

## PËRMBYTJA E MADHE

U tallëm me të mirin NOE dhe e quajtëm leshko. Ndërkohë ai pa bërë fjalë ndërtonte Barkën e Ringjalljes së njeriut. Të gjithë ne u mbytëm e vajtëm në fund të ujit.

## IKARUS

Dedali i dha dy këshilla të birit para se të fluturonin tej Labirintit :

- Mos ju afro ujit, pasi do të lagen puplat dhe do të mbytesh në det.
- Mos ju afro diellit, pasi do të shkrihet dylli dhe do të shembesh në tokë.

Ashtu ndodhi. IKARUS shkoi drejt Diellit. E sfidoi.

I Ndritëshmi mori hak për mendjemadhësinë e tij.

## TITANIK

E ndërtuam dhe thamë: Ta pagëzojmë TITANIK, sepse është një anije që nuk mbytet kurrë. Përfundoi në fund të oqeanit

## ZEPPELINI HINDENBURG

Ishte objekti më i madh fluturues i ndërtuar ndonjëherë. E pagëzuam me emrin e Presidentit gjerman Paul von Hindenburg. U dogj në ajër pa mbrritur.

## CHALLENGER

E thirrëm CHALLENGER ( SFIDANTI ), që të sfidonim qiellin. U dogj bashkë me 7 astronautë brenda. Nuk mundi të ishte sfidues.

## AYRTON SENNA

Tha : “ Të jesh i dyti është të jesh i pari që humb.”

Vdiq në pistë.

## GAZMEND LEKA

Ky është teksti shoqërues në ekspozitës personale ” IKARUS ” çelur në Galerinë “ ZETA “